



1. Yfirlit

Sveitarstjórn Skútustaðahrepps leggur til að breyting verði gerð á Aðalskipulagi Skútustaðahrepps 2011-2023 þannig að gert verði ráð fyrir aðstöðu fyrir söfnun salernisskólps í lokaðan geymslutank á Hólasandi og nýtingu þess til uppgræðslu á sandinum.

Meginatriði verkefnisins

Unnið er að áætlun um fráveitu sem felst í því að í stað þriggja þrepa ítarlegrar hreinsunar skólps innan þéttbýlis og á stöðum með skólpmagn sem nemur meira en 50 persónueiningum (PE) verði skólp aðgreint í s.k. **svartvatn** (salernisskólp) og **grávatn** (vatn fá baðherbergjum, eldhúsum og þvottahúsum). Mjög mikill kostnaður er við margar þriggja þrepa hreinsistöðvar og er því stefnt að lausn sem bæði er hagkvæm og nýtist á raunhæfan hátt við uppgræðslu lands.

- **Svartvatn** verði safnað í lokaðar safnþrær sem verða tæmdar reglulega og það flutt í geymslutank á Hólasandi. Rusl verður síað frá og fargað á viðeigandi móttökustað fyrir sóttmengaðan úrgang en seyran síðan plægð niður í jarðveg og nýtt til uppgræðslu. Lífrænn áburður hentar betur til uppgræðslu en tilbúinn áburður og gæti áætlað magn seyru nýst til uppgræðslu á Hólasandi í að minnsta kosti 50 ár. Í aðferðinni felst einnig ávinningur með kolefnisbindingu (CO₂). Söfnunarstöð og uppgræðslusvæði verða lokuð almennri umferð.
- Rúmmál **grávatns** er mun meira en svartvatns og talið óraunhæft að flytja það frá upphafsstað á sama hátt og stefnt er að með svartvatn. Efnasamsetning grá- og svartvatns er auk þess gjörólík og á það einnig við um örveruinnihald. Aðgreining svart- og grávatns er því hagstæð m.t.t. meðhöndlunar og nýtingar. Gert er ráð fyrir jarðvegshreinsun grávatns verði með hefðbundnum rotþróum og siturbeðum.

Áætlunin kallar á breytingar á búnaði og lögnum þannig að grávatn verði aðskilið frá svartvatni, sem verður safnað til brottflutnings þar er mælt með því að nota salerni með mjög litlu vatnsskoli (vacuum salerni). Árið 2016 var magn skólps meira en sem nam 50 persónueiningum í Reykjahlíð, Vogum, Skútustöðum, Dimmuborgum, Geiteyjarströnd, Jarðböðunum í Jarðbaðshólum, Fosshótel Mývatn og Hótel Laxá.

Fyrirhuguð aðalskipulagsbreyting nær til aðstöðu fyrir söfnunar- og geymslutank með tilheyrandi búnaði á Hólasandi. Breytingar á búnaði í byggð og við einstaka byggingar eru ekki háðar aðalskipulagi.

Samkvæmt aðalskipulagi (kafla 4.14) er landgræðsla heimil hvarvetna sem hennar er talin þörf í sveitarfélaginu og eru landgræðslusvæði ekki afmörkuð á aðalskipulagsupprætti. Ekki þarf að breyta aðalskipulagi til þess að skilgreina ný landgræðslusvæði svo fremi sem afmörkun þeirra hefur ekki neikvæð áhrif á náttúruvernd, minjavernd, söguminjar eða aðra skilgreinda hagsmuni. Ekki er talið að það eigi við á Hólasandi. Afmörkun landgræðslusvæða getur verið tímabundin uns settum markmiðum verður náð og landið þá tekið til annarra nota, t.d. til landbúnaðar eða útivistar án sérákvæða eða takmarkana. Í samræmi við ákvæði aðalskipulagsins verða landgræðslusvæði, þar sem seyra verður nýtt til uppgræðslu, ekki sýnd á aðalskipulagsupprætti heldur afmörkuð í verkáætlun þeirri sem liggja mun til grundvallar leyfisveitingum vegna starfseminnar. Framtíðarnýting uppgræðslusvæða er síðari tíma skipulagsmál sem ræðst m.a. af framvindu verksins og árangri af uppgræðslu. Möguleg landgræðslusvæði eru sýnd á skýringarmynd.

Aðkomuleið frá Kísilvegi (87) er færð tæplega 500 m til suðurs þar sem hún mun liggja hærra og verða snjóléttari. Vegurinn verður

einbreiður með útskotum. Breytt vegamót við Kísilveg bæta umferðaröryggi á veginum en gamla slóðanum verður lokað. Breyttur aðkomuvegur tengist gömlum vegslóða sem liggur áfram austur í Gæsadal.



Skýringarmynd. Drög að afmörkun uppgræðslusvæða á Hólasandi.

2. Aðrar áætlanir

Fyrirhuguð framkvæmd snertir engar fyrirliggjandi deiliskipulags-áætlanir. Svæði fyrir söfnunartank liggur að námu 301-E skv. aðalskipulagi. Miðað er við að starfsemin hafi ekki truflandi áhrif á rekstur og nýtingu námunnar. Skammt norðan svæðisins er gert ráð fyrir tengivirki flutningslína raforku, svæði 300-I í aðalskipulagi. Ekki er talið að uppgræðsla í nágrenni þess hafi nein áhrif á aðstöðu og rekstur tengivirkisins.

Landsskipulagsstefna

Í Landsskipulagsstefnu Íslands 2015-2026 er sett fram stefna um skipulagsgerð sveitarfélaga. Uppbygging fráveitulausna og uppgræðsla í Mývatnssveit styður við eftirtalin markmið stefnunnar:

2.2.2 Náttúra, menningararfur og heilnæmt umhverfi.

Við skipulagsgerð sveitarfélaga verði leitast við að varðveita náttúru- og menningargæði sem hafa staðbundið, eða viðtækara, gildi út frá sögu, náttúruferi eða menningu. Það getur m.a. falist í stefnu um **vistheimt og verndun og eflingu gróðurs og jarðvegs**. Jafnframt verði gætt að **álagi á vatn og vatnsvernd**. Landslagsgreining og vistgerðaflokkun ásamt áætlunum um uppgræðslu lands og vatnaáætlun verði lagðar til grundvallar skipulagsákvörðunum.

3.3.2 Heilnæmt umhverfi.

Við skipulagsgerð sveitarfélaga verði stuðlað að heilnæmi umhverfis með viðeigandi ráðstöfunum varðandi vatnsvernd,

vatnsveitu, fráveitu, úrgangsméðhöndlun, hljóðvist og loftgæði. Sérstaklega verði hugað að umhverfissvænum lausnum þar sem það á við, svo sem varðandi möguleika til flokkunar og endurvinnslu, sjálfbærar ofanvatnslausnir og aukna nýtni við auðlindanotkun.

Vistheimt og verndun og efling gróðurs og jarðvegs: Næringarefni úr svartvatni verða nýtt til uppgræðslu sem stuðlar að öllu ofangreindu. Framkvæmdin felur einnig í sér endurvinnslu/endurnýtingu.

Álag á vatn og vatnsvernd: Með því að flytja svartvatnið, sem er mest mengandi hluti húsaskólps (borið saman við grávatn), út fyrir verndarsvæðið er álag á Mývatn minnkað og þar af leiðandi verður hætta á ofauðgun vegna næringarefna minni. Til að koma í veg fyrir grunnvatnsmengun verður leitast eftir að uppgræðslusvæðin verði á þeim stöðum á Hólasandi þar sem jarðvegur er þess eðlis að hverfandi líkur verði á að næringarefni eða önnur mengandi efni úr svartvatninu berist í grunnvatn. Víða eru á Hólasandi stór svæði með þykkum jarðlögum sem eru það þétt, að ólíklegt þykir að endurnýting svartvatns á þessum stöðum muni valda mengun grunnvatns. Mælt er með að gerð verði vöktunaráætlun, t.d. í starfsleyfi, í formi rannsókna á niðurbroti næringarefna, lyfjaleifa og örvera í jarðvegi á landgræðslusvæðum sem valin verða til endurnýtingar svartvatnsins. Með því móti má mæla hversu árangursrík náttúruleg hreinsun jarðvegs verður.

Svæðisskipulag Háhitasvæða í Þingeyjarsýslum 2007-2025.

Svæðið er innan þess svæðis sem fellur undir Svæðisskipulag Háhitasvæða í Þingeyjarsýslum 2007-2025. Svæðisskipulagið var samþykkt 8. nóvember 2007. Svæðisskipulagið tekur til orkuvinnslusvæða og mannvirkja sem þeim tengjast. Ekki er þar fjallað um aðra landnotkun en hún er skilgreind í aðalskipulagi hvers sveitarfélags. Fyrirhuguð aðstaða hefur engin áhrif á þau mannvirki, tengivirki og flutningslínur raforku, sem skilgreindar eru í svæðisskipulaginu. Aðalskipulagsbreytingin hefur því ekki áhrif á viðfangsefni svæðisskipulagsins og kallar ekki á breytingu á því.

Lög um verndun Mývatns og Laxár í Suður-Þingeyjarsýslu (97/2004).

Svæðið er utan verndarsvæðis Mývatns og Laxár en innan vatnasviðs Mývatns og Laxár sbr. fylgiskjal II með lögnum. Um verndun Mývatns og Laxár í Suður-Þingeyjarsýslu gilda lög nr. 97/2004 dagsett 9. júní. Þar segir m.a. í 4. gr.:

4.gr. Verndun vatnasviðs Mývatns og Laxár.

Forðast skal að valda spjöllum á vatnasviði Mývatns og Laxár sem raskað gætu vernd vatnsins og árinnað samkvæmt ákvæðum laga þessara, sérstaklega gæðum og rennsli grunnvatns.

3. Leyfi sem framkvæmdin er háð

Framkvæmdin er háð **framkvæmdaleyfi** sem sveitarfélagið veitir.

Gera þarf **samning við landeigendur** um nýtingu lands.

Heilbrigðiseftirlit Norðurlands eystra veitir **starfsleyfi**, annars vegar fyrir söfnun svartvatns (framkvæmd í höndum verktaka), og hins vegar fyrir rekstur geymslutanks og hreinsun svartvatns á Hólasandi (framkvæmd í höndum sveitarfélagsins). Leyfi verða

veitt í samræmi við ákvæði reglugerðar um meðhöndlun seyru nr. 799/1999.

Leyfi fyrir aðstöðu fyrir olíugeyma skulu vera í samræmi við reglugerð 884/2017 um varnir gegn olíumengun frá starfsemi á landi.

Ákvæði um **vöktun og rannsóknir**, t.d. á útskolun næringarefna í jarðvegi og árangri af uppgræðslu, verða í starfsleyfi sveitar-

félagsins. Magn þungmálma í seyru skal vaktað sbr. 11. gr. reglugerðar nr. 799/1999.

Landgræðslan mun sjá um dreifingu svartvatnsins og er nú þegar með starfsleyfi fyrir landgræðsluverkefnum á Hólasandi. Jafnframt mun Landgræðslan sjá um að rannsaka útskolun næringarefna í jarðvegi.

4. Breyting á greinargerð


Engin breyting er gerð á almennum texta greinargerðar eða almennum skilmálum. Bætt er við línu fyrir svæði 382-I í skilmálatöflu í kafla 4.10. Miðað er við að ákvæði aðalskipulagsins verði grundvöllur útgáfu framkvæmda- og rekstrarleyfa, þ.e. ekki verður unnið deiliskipulag fyrir aðstöðuna.

Nr.	Stærð	Svæði	Lýsing	Skipulagsákvæði
382-I	> 0,4	Á Hólasandi austan Kísilvegjar, óbyggt.	Aðstaða fyrir söfnun og meðhöndlun svartvatns fráveitu (salernisskólps) sem nýtt verður til uppgræðslu.	Á svæðinu verður söfnunartankur fyrir svartvatn, um 2.000 m ³ , hálf-niðurgrafinn. Bygging/byggingar/ gámahús fyrir grófhreinsibúnað og aðra aðstöðu eftir þörfum, t.d. starfsmannaaðstöðu, allt að 50 m ² . Hámarkshæð bygginga 5 m.

5. Breyting á skipulagsupprætti

Á sveitarupprátt er sett inn hringtákn fyrir iðnaðarsvæði á Hólasandi skammt austan Kísilvegur (87), merkt 382-I. Aðkomuleið frá Kísilvegi (87) að námu og nýju iðnaðarsvæði er færð tæplega 500 m til suðurs.

Tákn fyrir raflínur (loftlínur) efst til vinstri á upprætti er leiðrétt.



Gildandi skipulag. Mkv. 1:50.000

Breytt skipulag. Mkv. 1:50.000

6. Umhverfisskýrsla

Fyrirhuguð framkvæmd var tilkynnt til Skipulagsstofnunar sbr. ákvæði laga um mat á umhverfisáhrifum. Niðurstaða Skipulagsstofnunar frá 31. ágúst 2018 er á þá leið að framkvæmdin sé ekki háð mati á umhverfisáhrifum.

Í greinargerð tilkynningarinnar¹ er gerð grein fyrir meginatriðum fyrirhugaðra framkvæmda og rekstrar, forsendum áætlunarinnar og líklegum áhrifum hennar á umhverfið.

Yfirlit yfir framkvæmdina er í 1. kafla.

Líkleg umhverfisáhrif

Vatnsgæði

Svæðið er utan verndarsvæðis Mývatns og Laxár en innan vatnsvæðis Mývatns og Laxár sbr. fylgiskjal II með lögunum verndun Mývatns og Laxár í Suður-Þingeyjarsýslu (nr. 97/2004). Skv. 4. gr. laganna skal forðast að valda spjöllum á vatnasviði Mývatns og Laxár sem raskað gætu vernd vatnsins og árinna, sérstaklega gæðum og rennsli grunnvatns. Líkur á mengun grunnvatns og að mengunarefni (t.d. næringarefni, lyfjaleifar, örverur) berist inn á verndarsvæði Mývatns (og Sandvatns) eru taldar hverfandi sökum eftirfarandi þátta:

- Dreifing svartvatns fer fram á völdum svæðum þar sem þykkt og þéttleiki efri jarðlaga er þess eðlis að þau hleypa illa í gegn hvers kyns mengunarefnum sökum lítillar lektar og eiginleika jarðvegs.
- Þynning úrgangsefna verður mikil (þynning með skolvatni salerna, úrkomu á dreifingarsvæði og enn fremur þynning í grunnvatni, ef mengunarefni komast í það)
- Einungis verður borið svartvatn á hvert svæði tvisvarþrisvar og því eru líkur á uppsöfnun mengunarefna í jarðvegi mun minni en ef um síendurtekna dreifingu væri að ræða.
- Jarðvegshreinsun á köldum landssvæðum hefur gefist vel og niðurstöður rannsókna héraendis og erlendis sýna fram á góða eiginleika jarðvegs til að hreins bæði næringarefni, lyfjaleifar og örverur.

¹ Efla verkfræðistofa. *Hreinsun og endurnýting svartvatns á Hólasandi. Greinargerð með tilkynningu til ákvörðunar um matsskýldu*. 24.05.2018

Stefnuskjöl	Viðmið
Reglugerð nr. 798/1999 um fráveitur og skólþ	1. gr. um markmið reglugerðarinnar og 6. og 7. gr. um losun og hreinsun skólþs.
Reglugerð um nr. 796/1999 um varnir gegn mengun vatns og reglugerð 797/1999 um varnir gegn mengun grunnvatns.	1. gr. um markmið reglugerðanna
Lög nr. 97/2004 um verndun Mývatns og laxár í Suður-Þingeyjarsýslu.	4. gr. forðast skal að valda spjöllum sem gætu raskað vernd vatnsins og árinna, sérstaklega gæðum og rennsli grunnvatns.
Lög um lax og silungsveiði. Nr. 61/2006	1. gr. um markmið laganna. 33. gr. um fjarlægð framkvæmda frá veiðiám.
Lög nr. 60/2013 um náttúruvernd	1. gr. um markmið laganna.

Ásýnd

Uppgræðsla á Hólasandi mun breyta ásýnd landsins verulega þar sem svæðið er í dag sandauðn að mestu en mun verða grætt upp. Vonast er til að sú breyting verði varanleg. Innan iðnaðarsvæðis er fyrst og fremst um að ræða niðurgrafin mannvirki sem verða þar af leiðandi ekki áberandi á svæðinu.

Stefnuskjöl	Viðmið
Lög nr. 60/2013 um náttúruvernd	1. gr. um markmið laganna. 3. gr. um verndarmarkmið fyrir landslag.

Jarðmyndanir

Áætlunin mun ekki fela í sér áhrif á jarðmyndanir sem njóta verndar eða þykja sérstæðar. Svæðið er í dag sandauðn, að hluta til upprætt með lúpínu og trjám, en víða er enn mikil þörf fyrir uppræðslu á Hólasandi.

Stefnuskjöl	Viðmið
Lög nr. 60/2013 um náttúruvernd	1. gr. um markmið laganna. 3. gr. um verndarmarkmið fyrir jarðminjar og 61. gr. um sérstaka vernd jarðminja.

Meningarminjar

Einn minjastaður er skráður í grennd við fyrirhugaða aðstöðu, tæpum 2 km suð-suðaustan aðstöðusvæðisins og utan áætlaðs uppræðslusvæðis. Það er minjastaður SP-209-075, heimildir um

vörðu; vörðubrot finnst ekki². Minjastaður þessi verður skráður skv. stöðlum Minjastofnunar áður en uppræðsla hefst til að tryggja að áætlunin muni ekki hafa áhrif á hann.

Fornleifakönnun verður unnin á fyrirhuguðum uppræðslusvæðum, sem að hluta eru í Þingeyjarsveit.

Stefnuskjöl	Viðmið
Lög nr. 80/2012 um menningarminjar	1. gr. um tilgang laganna og 16. gr. um skipulag og 23. gr. um fornleifar í hættu.

Náttúruvar og vernd

Aðstöðusvæði og fyrirhuguð uppræðslusvæði eru innan vatnsvæðis Mývatns og Laxár en utan verndarsvæðis Mývatns og Laxár. Á svæðinu er ekki um að ræða jarðmyndanir eða vistkerfi sem njóta eiga sérstakrar verndar samkvæmt lögum um náttúruvernd nr. 60/2013.

Á aðstöðusvæði og fyrirhuguðum uppræðslusvæðum er eyðimelavist ríkjandi vistgerð ásamt alaskalúpínu skv. vistgerðakorti Náttúrufræðistofnunar Íslands. Mikilvæg fuglasvæði eru ekki í næsta nágrenni (Laxá, Mývatn; sama heimild). Framkvæmdin mun ekki hafa áhrif á vistkerfi sem njóta eiga verndar.

Stefnuskjöl	Viðmið
Lög nr. 60/2013 um náttúruvernd	1. gr. um markmið laganna. 2. gr. um verndarmarkmið fyrir vistgerðir, vistkerfi og tegundir. 56. gr. um friðun vistkerfa, vistgerða og tegunda og 61. gr. og 62. gr. um vernd vistkerfa og bakkagróðurs.
Lög nr. 97/2004 um verndun Mývatns og Laxár í Suður-Þingeyjarsýslu.	1. gr. um markmið laganna.

Útivist og ferðamennska

Til skemmri tíma verða uppræðslusvæði að mestu lokuð almennri umferð, sbr. 12. gr. reglugerðar um meðhöndlun seyru nr. 799/1999. Svæðið er í dag ekki nýtt til útivistar eða ferðamennsku en í framtíðinni gæti sá möguleiki verið fyrir hendi með frekari uppbyggingu svæðisins í þeim tilgangi.

² Birna Lárusdóttir o.fl. *Fornleifaskráning í Skútustaðahreppi IV. Fornleifar við norðan- og austanvert Mývatn, milli Grímsstaða og Kálfastrandar auk afréttarlanda*. Fornleifastofnun Íslands FS118-96014, Reykjavík 2000. Bls. 122.

Stefnuskjöl	Viðmið
Aðalskipulag Skútustaðahrepps 2011-2023	Leiðarljós.
Áfangastaðáætlun Norðurlands 2018	Framtíðarsýn sem m.a. tryggir uppbyggingu innviða.

Loftgæði

Engin viðmiðunargildi eru til fyrir lykt hérlendis en þó eru almenn ákvæði um ólykt í reglugerð um hollustuhætti nr. 941/2002, m.a. að hæfileg fjarlægð skuli vera á milli mannbústaða og starfsemi sem valdið getur óþægindum. Hætta á lyktarmengun í byggð eða á þjóðvegi er talin vera hverfandi vegna fjarlægðar frá byggð og þar sem svartvatnið verður plægt niður í jarðveg.

Stefnuskjöl	Viðmið
Reglugerð um hollustuhætti nr. 941/2002	Almenn ákvæði um fjarlægð milli starfsemi sem getur valdið óþægindum og mannbústaða.

Vöktun

Til að forðast að valda spjöllum á vatnasviði Mývatns og Laxár sbr. 4. gr. laga nr. 97/0024 verða sett ákvæði um vöktun í starfsleyfi. M.a. skal fylgjast með magni þungmálma, útskolun næringarefna og styrk örvera í jarðvegi til þess að meta árangur af hreinsun. Vöktunin nær einnig til linda í Sandvatni sem er innan verndarsvæðis Mývatns og Laxár. Eftirlit með framvindu gróðurs og jarðvegs verður á ábyrgð Landgræðslunnar, en eftirlit með mengunarþáttum á ábyrgð sveitarfélagsins í samstarfi við Landgræðsluna.

★ Jákvæð áhrif ★ Neikvæð áhrif ★ Engin áhrif, á ekki við ★ Óviss áhrif ★ Háð útfærslu

Aðalskipulag Skútustaðahrepps, breyting - fráveitumál við Mývatn. Einföld kostagreining		
	01	02
V Matsþáttur Valkostir >	Ítarleg hreinsun skólps á upphafsstað. T.d. þriggja þrepa hreinsistöðvar. Sameiginlegar hreinsistöðvar á þéttbýlum svæðum, sem losa meira skolp en sem nemur 50 persónueiningum.	Söfnun skólps, hreinsun og nýting til uppgræðslu. Svartvatni safnað á þéttbýlum svæðum til úrvinnslu á Hólásandi.
Vatnsgæði	★ Háð góðum árangri af rekstri hreinsistöðva. Reynsla af þriggja þrepa hreinsistöðvum á Íslandi mjög lítil.	★ Hverfandi líkur á mengun á verndarsvæði Mýv./Lax.
Ásýnd	★ Háð útfærslu á hverjum stað	★ Athafnasvæði fjarri byggð og umferð.
Jarðmyndanir	★ Háð útfærslu.	★ Engin áhrif
Menningarminjar	★ Háð staðhættum	★ Engin áhrif á Hólásandi
Náttúrufar og náttúruvernd	★ Vatnið: Áhrif á náttúrufer Mývatns, þ.e.a.s. lífríki, háð árangri af rekstri hreinsistöðva ★ Á landi: Engin áhrif	★ Endurheimt landgæða
Útivist og ferðamennska	★ Engin áhrif	★ Möguleg framtíðarnýting uppgræðslusvæða
Loftgæði	★ Hreinsistöðvar nálægt byggð og almannarýmum	★ Söfnunar- og uppgræðslusvæði fjarri byggð og umferð
Hagkvæmni	★ Stofnkostnaður 700-1.000 Mkr. ★ Rekstrarkostnaður er hár	★ Stofnkostnaður 120-180 Mkr. ★ Rekstrarkostnaður er hár
Niðurstaða	Stofnkostnaður mjög hár við lausnina og rekstrarkostnaður sömuleiðis. Sökum lítillar reynslu hérlendis af rekstri þriggja þrepa hreinsistöðva er óvíst hver áhrif á vatnsgæði Mývatns yrðu. Áhrif á ferðamennsku engin en áhrif á ásýnd háð útfærslu á hverjum stað.	Stofnkostnaður lágur miðað við þriggja þrepa hreinsistöðvar. Rekstrarkostnaður er hár. Endurnýting skólps til uppgræðslu jákvæð fyrir umhverfið, sér í lagi endurnýting fosfórs sem er óendurnýjanleg auðlind. Uppgræðsla örfoka lands hefur jákvæð áhrif á bindingu gróðurhúsalofttegunda. Áhrif á ferðamennsku geta verið jákvæð til langs tíma lítið. Áhrif á ásýnd innan þéttbýlis engin.

Kostagreining

Í fyrri áætlunum um umbætur í fráveitumálum var miðað við ítarlega hreinsun skólps á hverjum stað fyrir sig, þó með sameiginlegum hreinsivirkjum á þéttbýlum svæðum. Stefnubreyting felst í þeirri áætlun sem nú er lögð fram. Í eftirfarandi töflu er einfaldur samanburður á þessum tveim meginkostum.

7. Auglýsing, samþykkt og staðfesting

Kynningarfundur var haldinn þann 11. desember 2018. Breytingartillagan var auglýst með athugasemdafresti frá 10. janúar 2019 til 21. febrúar 2019. Athugasemdir bárust frá sjö aðilum og var tillaga um afgreiðslu þeirra afgreidd í skipulagsnefnd 19. mars 2019.

Breytingar eftir auglýsingu

- Í kafla um leyfisveitingar er bætt vísun í reglugerðir nr. 799/1999 um meðhöndlun seyru og nr. 884/2017 um varnir gegn olíumengun frá starfsemi á landi.
- Í kafla um vöktun er þungmálmum bætt við sem viðfangsefni vöktunar.
- Í kafla um menningarminjar er bætt við stefnu um fornleifa-skráningu á fyrirhuguðum uppgræðslusvæðum.
- Uppdráttur sem sýnir breytt aðalskipulag er lagfærður þannig að samræmi er í merkingum raflína (loftlína).

Breytingarnar eiga ekki við meginatriði breytingartillögunnar.

Aðalskipulagsbreyting þessi sem auglýst hefur verið skv. 31. gr. skipulagslaga nr. 123/2010 var samþykkt í sveitarstjórn Skútustaðahrepps þann 27. mars 2019


SVEITARSTJÓRN
SKÚTUSTAÐAHRÉPPS

Aðalskipulagsbreyting þessi var staðfest af Skipulagsstofnun í samræmi við 32. gr. skipulagslaga nr. 123/2010

þann 4. júní 2019




SKÍPULAGSSTOFNUN